


www.BibleForChildren.org

Genesis 3



Mae Adam ne kiloni khetogna na
"Ivi" naugna na 'a idodi naikno te
gnafa te karha mei gognaro gre nei
iheire nate karha mei nathu 'u nauriha.

Gaoghathogna "Ivi" teu ka cheke

Hibru na, "Idodi naikno te
gnafa te karha mei ka
nauthoglu gne."




LORD God neke vuavuha gobigna
lepo te gnafa te tautagu ka
namhata na igre, eghuteuna jare na
theo kaisei glepo ka teke vuavuha
mana igre te lalase fara te uluni
nogna glalase mogo na, ka puhi te
cheke famaemahe na.




Kaisei narane mogo na ne mei
ghusna eghu ka ga' ase na, "Ba,
God gne neke lhoti ghami ghopa
tutuani si te mala thosei ghamu
ghopa kaisei sisi gna gaju te au
ka nagare ignea?"




Ga' ase na ne
cheke eghe ka mogo
na, "Ghepa tangomana
te ghamu sisidi gaju
te gnafa ke lamnagna nagare igne.
Nu kaisei gaju te kegra farihotei gna
nagare igne ngala God te lhotini ka
ghepa te mala ghamu
sisigna na."



"Eigna God neke
cheke eghe ka
ghopa, 'Ghopa thosei
ghamu sisi gna gaju
igne, nei jaola thosei habo lao tagna
eghe, na eghunu lehe ghopa eghe.'" Nu
mogo na ne cheke eghe ka ga' ase na,
"Theo, cheke God igne
theome tutuani, ghopa
ginauna na theome lehe."



"Jame te ghamu
ghopa sisi gna gaju
igne na, tathami ghopa
re ginauna na thofra
fakeli, eghuteuna ghopa ginauna na laseni
unha te keli na nei laseni unha te di 'a na egghu,
eghuteuna ghopa ginauna na lalase fara
jateula God egghu. God na
laseni igne, naugna igne
mana lhotini ka ghopa
te ghamu sisi gna gaju
igne na."



Kate filo laoni na' a gaju igne na,
na' a ne keli tagna fara naugna gaju
igne ne thofno keli fara fifilogna
na, nei sisi gna re jaola keli fara te
mala ghamu na. Aonu na' a ne cheke
eghu ka nagnafa gna
thegna na, "Uve,
jame te imani iara
sisi gna gaju igne
na, iara gne jame
kaisei naikno
glalase
fara."



Aonu na' a ne hata keha sisi ne ima.
Eghuteuna na' a ne tusu lao keha ka
mae Adam khetogna na. Mana ne
jaola ne ima sisi gna gaju tuana.



Eghuteuna tathadi repa re ne funu
thofra, aonu repa ne laseni te
soesole na ne susuki fodu khakla
gaju fig re ne pipichi.





Nu LORD

God ne ehani mae Adam ne
cheke egghu, "Adam, iagho au aheva?"

Mae Adam ne cheke egghu, "Iara ne nomhini nigho
iagho te nonolo ka nagare igne ne mhaghu nogu
nigho fara ne poru, naugna iara gne ne soesole."





LORD ne
cheke egghu ka mana,
"Naugna unha ne laseni nga iagho te
soesole na? Mae ihei teke cheke ranghi nigho
te mala soesole na? Neke ghamu jau sagho
sisi gna gaju teke lhotini iara ka iagho ia?"



Mae Adam ne cheke egghu, "Uve, ga' ase mala
kheragu iara tekku iagho igne ngala teke tusu
mei ka iara teke ghamu na." Aonu LORD
God ne cheke egghu ka Ivi, "Ba, Ivi mala
unha sagho te eni puhi ignea?" Na' a ne
cheke egghu, "Mogo na neke cheke
famaemahe ghau iara neke chaghi
ghau iara mala ghamu iara sisi
gna gaju na neku."





Aonu LORD God ne brue fajifladi
repa ka nagare Eden na mala loku
repa ka glose teke vuavuhadi
repa God na.




Ke leghugna te
kuru fajifladi ka
nagare Eden, God ne lilisei kaisei
tothoghei engel mala kegra ke
maghati gna nagare Eden, nei
lilisei kaisei naflahi kha' aghi
te dudulu te
figri tafri na.






Mana neke eni igne mala
theome tangomana repa te
lao thoke ka gaju te mala tusu
lao karha na ka naiknore.




Mae Adam ne thuru balugna Ivi khetogna na ne au
kaisei thugna nalha' u. Na' a ne cheke eghu, "Iara na
kiloni nanghagna sua igne mae Kein, naugna LORD la
togho ghau iara la atha kaisei thugu
nalha' u." Gaoghathogna Kein teu


igne "atha"
eghu ka
cheke
Hibru na.




Ke leghugna igne, Ivi ne fakarhini mae Abel tahigna
mae Kein. Phia mare ne kafe kotu haghe ne bi' o,
eghuteuna mae Abel gne na mae mala reireghi sipu,
eghuteuna mae Kein gne ne mae mala
loku ka nagare.



Kaisei fata, mae Kein hata ne mei ka nagare na keha
gano te mala fafara ne lilisei ke ulugna LORD.
Mae Abel jaola ne hata ne mei keha
famane sipu te karha majaghani. Mae
Abel falelehe sipu igre ne fafara
vido nafnahi te keli fara
ka LORD.



LORD ne ghatho tahuni nogna fafara mae Abel na.
Nu LORD ne theome ghatho tahuni nogna fafara mae
Kein na. Mae Kein ne di' atagna ne
ngingirini fara.



Nu mae Kein ne tirogna fanomho ka LORD. Kaisei
fata mae Kein ne cheke ka mae Abel tahigna na mala
tei nonolo balugna. Eghuteuna kate au
teu phiamare mhata na, mae Kein ne
kegra haghe ne akni faleheni
mae tahigna na.



Ke leghu gna igne LORD ne cheke eghu ka mana,
"Kein, ahevau mae Abel mae tahimu iagho ia?" Mae
Kein ne cheke eghu, "Iara theome laseni. Theome
nogu gloku iara te mala reireghini
mae tahigu na!" Aonu mae Kein ne
jifla kokoni tathagna LORD na ne
tei au ke maghati Eden ka nohi
Nod. Gaoghathogna

Nod na
"Tei tafri."




Kaisei fata mae Adam ghe Ivi neke au kaisei
thudi nalha' u. Aonu Ivi ne cheke egghu, "God
kela tusu mei ka iara keha sua teke toreni
iara te mala ke tughuni Abel teke aknu
poru mae Kein tifa ia."



Aonu repa ne kiloni nanghagna thudi na Set.
Gaoghathogna Set teu igne "tusu mei" eghe
ka cheke Hibru.




Ke leghugna teke karha mae Set na mae
Adam ne nhana gobi finogha gna. Mana
jaola neke au keha thugna nalha' u nei
keha thugna ga' ase neku.




Aonu mae Adam ne karha neu ne ghilei thokeni nheva
gobi tolufulu finogha ne lehe nga.



LORD ne filodi puhidi naikno gna nauthoglu
gne ne thono di 'a fara. Eghuteuna
mare ghathodi fabrahu kolho
glepo te di 'a re.



LORD ne di 'anagnafa fara, ne cheke egghu,
"Iara ginauna faluvu fahuidi naikno
teke vuavuha iara ka nauthoglu igne.
Iara jame neke theome vuavuhadi
naikno igre ka nauthoglu igne!"



"Eghuteuna iara ginauna na jaola faluvu
fahuidi nanghaji ba bosu ba saba teu
ka namhata igre. Iara di' anagnafagu
fara naugna iara ngala
teke vuavuhadi re
glepo igre."




Nu LORD ne keli tagna fara ka mae Noa. Igne u
thoutonu gna mae Noa na. Mae Noa gne ngala
thofno kheragna tutuani God na.



Naugna kaisei mana ngala mae te doglo
nei thofno leghuni teu God na. Nanghadi
thugna mae Noa re igre, mae Sem,
mae Ham nei mae Jafet.



God ne namhadi fara naikno te au kau
nauthoglu igne. Naugna igne mana ne
snakre meini thofno mae Thugna
kaisei ngala mala ihei te fatutuani
ni mana na ginauna theome lehe
fabrahu, nu mana na
karha fabrahu
tifa tifa.



Rom 3:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Rom 6:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Hibru 9:27 Naikno te gnafare na kaisei
fata lehe kolho, ke leghugna igne
God ginauna fatedi mare.



Efesus 2:8,9 Ka narane teke fatutuanani ghotilo na, God neke fakarhi ghami. Ghotilo theome tangomana te fahaehaghe ghami themi neke hatini thofno nakarha na naugna gloku teke edi themire teuna. Theo. Ghotilo neke hatini thofno nakarha igne ka nogna khokofakasai God.

Rom 10:9,10 Jame te cheke egghu iagho ke uludi naikno te gnafare, "Jisas na mae funei!" Eghuteuna te thofno fatutuanani iagho ka nagnafamu na, God neke fakarha fapuloni mana kau glehe teuna, mana ginauna fakarha nigho iagho. Naugna te fatutuanani tahati ka nagnafada na, God na toggho ghita mala au doglo ka tathagna thegna na. Eghuteuna te cheke thakleni tahati noda fatutuanani na, God ginauna na fakarha ghita.



Jone 3:16,17 God ne namhadi fara naikno te
au kau nauthoglu igne. Naugna igne mana ne
snakre meini thofno mae Thugna kaisei
ngala mala ihei te fatutuani ni mana na
ginauna theome lehe fabrahu, nu mana na
karha fabrahu tifa tifa.

Naugna God neke theome kuru meini mae
Thugna na ka nauthoglu gne mala mei fateni
ihei te jafra ka nauthoglu igne, nu mei mala
karha naiknore ka mana.



Ululahu Jone 5:11-13 Igne unha te chekeni God
ka tahati na: God tusu ranghi ghita karha fei
tifa, eghuteuna karha igne mei balugna Thugna.
Eghume ihei te hatini Thugna God na hatini
thofno karha na. Nu ihei te theome hatini
Thugna God na theome hatini thofno karha na.
Iara riso ari letas igne ka ghotilo naikno te
fatutuani ni Thugna God ra. Iara riso ari ka
ghotilo mala laseni gognaro ghotilo te
hatini thofno karha na.



Jenesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Wycliffe Bible Translators Inc. (mrn) © 2022,
All rights reserved.

<https://www.bible.com/bible/3230/GEN.1.NKJV>

©2026 Bible for Children, Inc.

www.M1914.org

www.bibleforchildren.org

